

## **Lu trenu da disperaziuni**

Periodo: La ricostruzione e il boom economico (1946-1966)

Lingua: siciliano

Tags: emigrazione

Indirizzo: <https://www.ildeposito.org/canti/lu-trenu-da-disperaziuni>

Guardati chistu trenu cum'è nivuru  
oi cum'è nivuru  
è lu trenu d'a disperaziuni  
è lu trenu d'a disperaziuni.

Chianciti forti mugghieri, mammi chianciti,  
oi mammi chianciti,  
l'omini vosta aviti da lassari  
l'omini vosta aviti da lassari.

Pi putiri sfamari 'sti piccirilli  
oi 'sti piccirilli  
ninn'amu iri luntanu assai  
ninn'amu iri luntanu assai.

A terra nostra amu da lassari,  
oi amu lassari

pi' vinti franchi di 'sti corvi nivuri  
pi' vinti franchi di 'sti corvi nivuri.

Là subba dintu u' Nordu amu pagari,  
oi amu pagari  
cu la vita nu tuozzo di pani  
cu la vita nu tuozzo di pani.

Lavuratura ca jittati 'u sangu  
ca jittati 'u sangu  
pi anni e anni 'nta na terra luntana  
pi anni e anni 'nta na terra luntana

Lu jurnu ca turnati s'avvicina  
oi, s'avvicina  
pi nun partiri chiù d'a terra nostra  
pi nun partiri chiù d'a terra nostra.